

四庫全書

史部

欽定四庫全書

史部

萬壽盛典初集卷一百一十二

詳校官宗人府府丞臣寶光鼐

編修臣程嘉謨覆勘

總校官知縣臣楊懋珩

校對官中書臣王鍾泰

謄錄監生臣閻澧

謄錄監生臣張麟

欽定四庫全書

萬壽盛典初集卷一百十

歌頌五十

生監諸臣一

萬壽無疆普天大慶賦

監

生臣董伸

聖天子御極五十有二年歲次癸巳月紀丙辰卿雲晝

爛景星夜明醴泉溢地芝草盈庭陽曦雙珥桂

皓重輪瑞光晃耀而融朗嘉氣黼黻而氤氲河

出馬而圖獻洛浮龜而書呈巢阿閣兮悉丹山之威鳳遊靈時兮盡西極之祥麟巨棗遠獻兮來由蓬島蟠桃遙貢兮奉自崑崙戩穀之徵符畢集罄宜之靈貺咸臻夫是爲

聖天子億壽添籌之始而適當周甲大慶之春也維時大小臣藩遠近旄倪天涯地角海濱山隈窮髮不毛之族雕題鑿齒之黎莫不欣欣喁喁皞皞熙熙身效舞韶之獸心同向日之葵齊赴

丹闕各叩

彤墀賡純嘏之永固頌第祿之攸宜願

聖天子御玉座駕金輿召羣工以陪從飭秩宗以陳儀
舞羽干與毘戚奏雲門與咸池告成功於蒼昊
荅隆禮於坤祇巡岱行封禪之典摩崖勒勲德
之辭表休嘉於中外著徵瑞於華彞使人知

聖皇之膺百福備千禧固如是其昌熾爲昔后所莫幾
者也乃我

皇上聖德同天虛懷若谷播汗渙於絲綸却禱頌於章牘辭天保之九如謝華封之三祝述憂勤於宵晝傳惕勵於隱獨惟欲長治久安家豐戶足俗敦古處士崇正學子盡孝於家庭臣効忠於君國以此介壽藉是景福則庶幾虛文之勿尚而實意之足錄豈非我

皇上望道未見之心雖蕩蕩巍巍固愈形其謙衷之朏篤乎然而

聖意彌謙與情益甚伏陛陳言善頌匪佞謂福在一人者爲私福而慶在普天者爲大慶我

皇上治定功成德隆化盛跨湯駕禹逾堯邁舜由壽考之無疆斯勲業之莫並乃寰宇之大福宜懼忤之難禁則試爲履數夫五十二年之內其所以覆載乎人民胞與乎遠近實億年億世之公社而非獨一人一時之私幸者政恐飲和食德之羣倫履厚戴高之萬姓有枚舉而難窮并指屈

而靡罄耳爾其奉若欽虔基命宥密法穆清之
無私體乾健於不息既上下其同流復天人之
合轍迨

泰壇之通燿及

南郊而對越配

太祖與

章皇列先農與后稷倍祀肅而禋明愈心齋而志潔祈穀
有親撰之文燔柴有躬薦之璧推厯數兮明敬

授考緯象兮誌傲惕上而日兄月妹朝夕維勤
下而嶽公瀆侯縈雩必飭用是類禡俱歆天神
胥悅屢降豐穰之庥永乏水旱之厄此

皇上之敬

天重祀其始終無間於五十二年之內而爲普天之大慶
者此其一乃若率由舊章恪循先制旣無違於
動履復凜遵於頒蒞守武烈與文謨惕始勤而
終替修

三朝之寶鑑輯

列祖之鴻矩功備載夫創守法不遺夫鉅細裒懿行與嘉
言詳立綱而陳紀窮歲月之纂集成卷帙之次
第凡峻德與鴻猷咸羣萃而悉聚婉黃農之邱
索軼商周之誥誓珍諸太府若玉韞而珠藏播
在明堂則天章而日麗以傳先烈等圖亦與琮
球以貽後範則衡鑑而龜筮所以吾

皇上五十二年之內緯武經文參天兩地皆其不愆不

忘善繼善述所致也則其法

祖遵先而實爲普天之大慶者乃其二憶昔驕藩悍將節
錯根盤或剖符於閩粵或錫履於滇黔或寄閫
於楚蜀或握節於秦函類皆連城跨邑擅制專
權乃獸心之罔饜忽螳臂之思搦逆幟乍張於
荒徼妖氛徧熾於東南疑蜩喧而鼎沸訝蝎擁
而蜂攢我

皇上聖謨莫測睿算維完折衝樽俎制勝堂廡每籌兵

而畫餉愈意靜而神閒施芒刃於蔡肯加斤斧
於髀髀凡師指而軍向率醜殪而魁殲所以數
年之內一賦不增一役不添農不廢耕商不輟
廛翦巨憝兮等拾芥殄羣蠹兮全刈管除累世
之隱患致海宇之復安則其內平諸逆而爲普
天之大慶者乃其三考夫虞夏以來詩書所紀
獫鬻盛於商初獫狁強於周季冒頓常擾漢邊
柔然屢侵魏鄙突厥與唐祚爲始終契丹偕宋

歷而興廢間弭伏而和親終猖獗而煽熾我
皇上神威遐布德化遠被凡穹廬之外族悉款塞而內
侍突有噶爾丹者恃其險遠逞其狡鷲貢職固
修兇鋒是肆擁僧格之餘衆侵哈密之右臂邊
境爲之繹騷藩籬遭其毀棄

聖怒斯赫天討莫賁秉白旄與黃鉞躬長駕而遠馭先
命貔貅之將斷其敗竄之塗繼總熊虎之師搗
其廬帳所倚渡瀚海而疾馳抵拖諾而奮銳果

豕突而狼奔卒獸難而禽刈登燕然而銘功進
玉門而飲至從此朔漠清寧疆圉奠乂鴈磧多
扶杖之叟龍沙無荷戈之士則我

皇上之外攘巨寇又實爲普天之大慶者此其四乃其
道接中天學尊尼父崇四子之成書詳六經之
遺詁探性理之淵微究典籍之繁瑣勤講讀於
甲丙辨邪正於今古斥釋老而勿尚惟孔孟之
是主固已參倚如見羹牆欲覩乃復仰高行景

廵充幸魯行釋奠於孔林習大射於聖圃揮毫定萬世
之師作誌傳闕里之譜自顏曾以及思孟羣邀
宸贊之輝煌從濂洛以迄關閩各播

天章之璨瑳又念集諸儒之大成惟考亭其獨數爰進
位於十哲勿仍列於兩廡由是入膠序者識道
統之傳心溯源流者知私淑之接武俎豆爲之
增光紹述因而愈溥此

皇上之崇儒重道實卽爲普天之大慶者此其五況夫

留神吏治勵精求瘼旰食宵衣達聰明目敷政
則利弊之周知用人則賢否之洞燭不忘不泄
昭百度之煌煌懋德懋功表四門之穆穆象魏
旣無叢脞鵷班復鮮佞曲猶念保世乂民惟在
慎吏擇牧苟撫字之得人即惠愷之共沐爰博
採夫循良用分理夫方域上而封疆大職誥誡
不厭其煩下而州邑微員廷見不嫌其瀆務量
能而授任勿違材而覆餗至於激濁揚清崇廉

斥黷尤

聖照之無遺而乾綱之獨握寇君賈父雖獲咎而恒寬
乳虎蒼鷹縱微長而必逐宜佩綬者幸龔黃之
聯軫而綰篆者頌召杜之盈轂草野賴其旬宣
億兆資其位育此

皇上之勤政知人又即爲普天之大慶者乃其六而且
菁莪作人薪樞儲傑愛士如珍求才若渴識相
如於上林詢賈生於宣室闢門開宏博之科臨

軒拔天人之策所以數十年來石渠天祿盡繡
虎而雕龍芸觀蘭臺備春華與秋實乃旁求之
意慙謂書升之數窄丙丁甲乙倘羅狹而網疎
書判身言必珠遺而玉失爰添省試之名旋廣
禮闈之額或五經或七藝寧舊制之是拘或成
例或特科必真材之罔抑務使華國閎儒相踵
武以登瀛勿致窮經皓士徒夢飛而貼月旣博
取夫才華復群勵夫德業採芹樂泮即瞻訓飭

之文釋褐彈冠更蒙教習之益兵農禮樂咸研
詢而講求性命身心備磨琢而磋切此日作楨
聖世無非麟鳳圭璋他年宣力

皇朝自盡鹽梅舟楫則普天之大慶又即在我

皇上愛育人材者乃其七今試遊桐柏之川溯龍門之

硤觀呂梁之洶涌覽洪澤之澎湃昔萬斛之艱

渡今一葦之易達昔軸撼而維搖今波恬而浪

狎昔漂平土時沉竈而產蛙今耕水濱咸荷鋤

而負插何昔也馮夸之肆威而今也陽侯之斂
虐蓋由我

皇上勤心排決勞神疏濬屢

巡幸夫淮黃親指授夫方畧相地形之崇卑權水勢之
強弱捐內帑而鳩工簡重臣而分轄築高堰之
新堤開攔黃之舊閘濬引河而橫流之得洩刷
清口而淤沙之盡豁爲馬牙樁爲龍尾埽庀材
無尚虛聲爲桃花水爲爪蔓流防汛務期預察

所以金繩玉牘勿咨昏墊於三門沉璧刑牲無
慮懷襄於六埵北而紫牙河永定河利濟者歌
帆影之踰躔南而白茅江吳淞江順涉者慶艫
聲之呶軋未嘗不歎明德之獨遠而長策之堪
法則我

皇上之平成奏績又實爲普天之大慶者此其八且也
我

皇上藏富閭閻施恩畝畝稅斂惟輕賑蠲從厚真普德

而徧澤復宏濟而博受昔秦歎而齊饑幾弱填
而壯走儼堯時之水橫全湯世之旱久臨淄即
墨嗟屏翳之霓霍杜鄴咸陽困肥遺之紛糾

聖心惻以彌慙

皇仁沛而孔阜急輓粟而輿金散荒簷與窮牖招失業
之蒼黎活轉壑之黃口甦陸海之涸鱗潤燄谷
之焦蔀故能不數年間齊地重慶絃歌秦川復
明花柳暨江浙之微侵即補助之恐後弛販糶

之禁令通楚蜀之糧糗救災則德可回天解饑
則功侔反手至賜復於平時尤疊見而非偶捐
正供於地丁減雜賦於林藪寬一十五國之金
錢除數千百萬之逋負里胥下役不復傳呼於
癸庚業戶窮氓免候追徵於卯酉立常平而穀
價不慮其復騰廣積貯而米多或因之易朽此
皆惠洽寰區澤非升斗宜乎遺秉滯穗和氣屢
致夫豐年鼓腹含哺歡聲恒兆夫大有爰稽首

頓首而共進曰我

皇上之頻賑迭蠲又實爲普天之大慶者是其九粵稽
書誌五刑禮詳八辟周世傳呂侯之命漢家垂
蕭相之律凡以弼教糾民防淫儆慝固無刑之
共期亦天討之是即我

皇上摩義漸仁齊禮道德兆庶髓浹而肌淪奸頑心洗
而面革貫索爲之常空園扉可以不設迨間入
於科條即愈深其愷惻浩浩乎成湯解網之祝

眊眊乎夏后下車之泣實亘古所未有而從前
所莫及但見當其始也明允悉登武健盡斥嘉
破觚之平反禁深文之羅織寧吞舟之倖漏勿
燃犀之誇晰及乎秋官定爰士師奏核五辭畢
具九讞竝列旣難寬於十程復罔宥夫三尺

聖心靡寧

皇衷倍怒爰素食而齋居備審慎而矜恤沛宏慈於赤
衣垂大惠於丹筆或議貨而上法夫雨雷或賜

緩而取象於風澤無不感溢邱梧恩深林棘況
平時之好生頻肆赦而播釋意萌則籥動杓虛
議定則烏啼蠅集三代圜空刑措徃古獨繼其
休百年去殺勝殘從今始信其說則所謂普天
之大慶即在我

皇上之慎罰省刑者此其十不寧惟是彼夫春講秋誦
勤經筵也採遠剖璧購遺編也臺歲省銘儆曠
官也院甄寺別惕素餐也南巡西狩訪民艱也

歷嶽徧讀誠懷安也圖繪耕織重桑田也賜帛
給粟崇高年也投珠抵璧嗜好捐也服澣御濯
節儉先也考三角究八線推塵杪而測坤乾也
辨黃鐘審大呂別雅鄭而定宮懸也詩則追踪
雅頌文則竝駕典謨吐德音而詞章之絢日而
炳天也書則龍跳虎臥射則穿楊洞札備多能
而材藝之軼後而超前也此又我

皇上之神授天縱有難以數計而名言者而普天之大

慶尤不止於億萬而百千者也然則我

皇上之駿烈偉業鉅德豐功較唐而貞觀不足竝其盛
比漢而文景難以媿其隆擬成康則勲高而績
茂方湯武則道優而學崇緬古重華放勲軒轅
羲農合數帝而爲一始可近似而髣髴約畧而
形容自宜天鍾其瑞地毓其靈山川發其佳秀
草木耀其菁英無不羣獻於

萬壽之日齊効於

大慶之辰則試觀月示其恒日示其升象

聖壽之方始而遞增也松示其茂柏示其青象

聖壽之歷久而彌榮也南山昭其岼嶸北嶽著其崢嶸
象

聖壽之負絕而峻極永峙而長寧也溟渤汪洋而渺淼
江河傾注而奔騰象

聖壽之滔滔而莫竭浩浩而靡津也此皆頌於不言祝
於無聲觸耳目而皆是合宇宙而俱盈我

皇上不能却天地萬物之嘿慶嵩紀隱頌椿齡則亦何
辭乎中外臣民鼓舞頌禱之意歡欣叩祝之誠
於是普天率土萬國九州盡扶桑與碣石窮寒
磧與炎洲凡有血氣之類共爲知覺之儔或梯
山而航海或重譯而馳郵或挈類而携族或羸
糧而裹餽或束膝而躡屨或扶藜而杖鳩悉入
覲而來會等雨密而雲稠齊捧戴夫玉瓚各酌
注夫黃流効稽角於

閭闔獻媚蓋於珙球歡聲則濤翻海溢忤語則浪湧
波浮雖

聖意之固遜必微忱之共酬但見家同一喙人共一心
極紛還而難紀實簡約而易聽總願自今以往
生生世世子子孫孫歷天長與地久常奉此有
道之

天子而永戴此厚德之

聖人邁天皇帝皇與人皇駕廣成聃耳與錢鏐計歲則

義和乏術算年則容成謝能則庶乎臣民之意
慰而中外之情伸而不知此又爲我

皇上分內自然必得之事而中外臣民究未嘗稍抒其
愛戴之意微報其覆育之恩也

微臣

生逢昌運

幸際休明識慚酌蠡感同戴盆偕愚賤而擊壤
隨士庶而稱觥戒虛詞之申祝綴實事以成文
雖挂一而漏萬實共見而公聞維願巴人之曲
下里之音賴

帝力而不朽托

鴻業以常存謹賦

萬壽無疆聯句詩有序

監

生臣張元鏡

生

員臣顧際泰

童

生臣張士鑑

臣聞仁爲萬善之長壽居五福之先盤古一萬
八千春祥開天地軒轅二百四十載美婉義農

堯舜君臨咸徵悠久禹湯致治並享遐齡故唐
世封人祝聖王以多壽而周時召伯歌君子以
萬年至德其何能名深仁必思善頌欽惟我

皇上

恩覃六合

德邁百王

文武聖神復見光華之旦

祿位名壽恒齊覆載之仁濟民物於春臺群遊浩

蕩登乾坤於壽域共沐雍熙恭逢

聖誕時際韶陽甲子初周南極星明之候春秋日盛東
方桃熟之年榮光上燭夫紫微瑞靄遙連夫黃
道普天稱慶霞蔚雲蒸匝地騰歡衢歌巷舞臣
等一介小儒三吳下質沐浴

聖朝之教養優游化日之舒長皞皞王民惟識耕田鑿
井巍巍

聖治咸思頌德歌功生居東海之濱來拱

北辰之極春城桃李家家杯泛蓬萊

帝闕煙霞處處人遊仙島太平有象雲五色而日重輪
聖域無疆天高明而地博厚是用各竭心思爭效賡颺
帝德雖蠡測管窺無當高深之量而蟲鳴鳥語亦知天
地之恩謹製千言上稱

萬壽

率土朝

金闕呼嵩祝

聖王萬齡

天祿永

臣元鏡

一統

帝圖昌出震符軒歷乘乾御禹疆華星遙貫昴

臣際泰

紫氣上充房吐甲騰龍馬銜圖集鳳凰瑞徵垂

法象

臣士鑑

泰運啟陶唐樂奏雲門響人遊化

日長鈞霄開扈閣

臣元鏡

壽域奠鼇荒

大德天同峻

深恩海莫量臣民惟抃躍

臣際泰

巍蕩泯賡揚開闔三

辰正修明七政詳提封章亥步

臣士鑑

都會澗

瀝鄉澹泊天靈治狗齊日角祥仁踰商解網

臣

元鏡

儉邁漢裁囊明察崇禋祀

郊壇致肅將精誠馨黍稷

臣際泰

右享潔牛羊景爍申朝

踐神光燭太常珠旂星麗黻

臣士鑑

象輅玉鏗

鏘籥舞聲容盛山壘柜鬯香來思歌禘祫

臣元

鏡鴻祉貺蒸嘗孝奉

慈寧上懽承寢膳旁

徽音隆典冊

臣際泰

純嘏譜笙簧魯衛苞桑繫河山棣萼

芳展親敦玉牒

臣士鑑

行慶溢銀潢餘孽殊佗

尉連兵踞夜郎三驅六詔定

臣元鏡

一怒八閩

攘兎窟營孤島鯨波阻大洋車纔翻霹靂

臣際

泰
舟已碎餘艍批搗臣宣力張施

帝握綱八埏歸掌運

臣士鑑

億載奠金湯漠北臣熏鬻

天西尉姥羌南封瀾浩澤

臣元鏡

東境盡扶桑

絕塞俄鳴鏑遊氛擅跳梁匹夫遙阻化

臣際泰

兩大視如傷白羽催飛輓朱提給辦裝魚麗文

貝甲

臣士鑑

豹隊綠沉槍

廟算規模濶神驅羽衛強甘泉騰馬足

臣元鏡

露布報

龍驤石勒祁連雪花明瀚海霜出師方厲月

臣

際泰克敵在敦牂自是擒封豕非同獲白狼闐

闐旋魏闕

臣士鑑

矯矯獻虞庠

時邁臨鄒魯星躔應角亢報功封泰岱

臣元鏡

發政坐

明堂盛典

恩波渥穹碑嶽色蒼崇文虔俎豆

臣際泰

摘藻煥宮牆

正學尊經籍群愚醒瞶盲邱園頒束帛

臣士鑑

鐘鼓樂承筐蔥牂

親原隰黃輿足稻梁賑蠲施樂歲

臣元鏡

補助見

巡方富教加無已憂勤若未遑胼胝逾汲汲

臣際泰

樂

利普泱泱帶水通漕運銜帆給太倉迢遙來積

石

臣士鑑

清濁渾衡漳汜濫流無準奔騰勢莫

當洪流將底定

臣元鏡

盛世復懷襄雷動殷荒度乾旋闢混茫塞焚堙蕩瀆

臣際泰

乘柸審低昂使者黃金簡神人白石糧

無勞沈璧馬

臣士鑑

已自召倉箱葱蒨阡連陌

渟泓水止防平成還較盛

臣元鏡

功業永相望

隴秀雙岐麥颺馳百尺檣

宸襟多悅豫

臣際泰

田畛得端相解澤迎

鑾沛珍禽繞蹕翔懼聲喧越會

臣士鑑

淑氣霑吳閭

方綵湖山麗軫軒禾黍穰農疇喜雉雉

臣元鏡

官舍蔽甘棠
柘栢油雲覆
溝塋湛露瀼
室家安

且吉

臣際泰

耆老壽而臧
舶貢神香紫
源探星

宿黃上林生
筵脯

臣士鑑

大麓出銀麋
景慶從

心至清寧協
德匡聰明猶
巽入

臣元鏡

精粹等

乾剛求諫懸
旌木延英立
廟廊御門頻
問夜

臣

際泰

封事肅垂裳
璇室圖耕織
牙籤插縹緗
考

辭歌紉縵

臣士鑑

遊藝振琳琅
筆落雲章煥
文

成鳳彩揚汪
洋吞學海

臣元鏡

光燄燭詞塲
道

統承先聖儒宗擢紫陽開天敷性理

臣際泰

揭

日照康莊算出容成表書緒委婉藏義皆窮閭

奧

臣士鑑

學不輟炎涼多士心逾奮

昌期化益彰菁莪添桂籍

臣元鏡

霞縷映奎芒化宇

韶華富中天第祿康

龍飛開甲子

臣際泰

虎拜輯圭璋舜瑄昭華玉堯尊沆

濯漿紀年書出洛

臣士鑑

迎日字含王桃實三

千歲天衣十二章添籌齊泰華

臣元鏡

擊壤協

宮商城闕爐煙合街衢錦幄張九門堆玉帛

臣

際泰

萬國集梯航

臣

等蓬麻質欣隨士庶行尚

同蛙在井

臣士鑑

敢擬鳳鳴岡頌

聖情何極瞻

天喜欲狂蕭韶聲浩蕩

臣元鏡

鸞鶴色輝煌競效岡陵

祝

臣際泰

思依日月光願言隨率舞同捧

萬年觴

臣士鑑

萬壽詩

五言律二首

監

生臣
吳景果

龍鳳開昌歷岡陵祝大年三才

皇建極一德

聖乘乾有地皆霑澤何人不戴天太平調玉燭百福慶

綿綿其一

九天開壽域大地沛春溫幸值休明日長叨

化育恩求賢頒漢詔籲俊闢虞門藹藹王多士南山獻

壽樽其二

萬壽詩

五言律二首

監

生臣錢元台

雲錦天街麗歡呼

萬歲聲衢歌爭獻

壽封祝竝抒誠琴奏南薰叶尊開北斗盈河清與海晏

交口頌昇平 其一

校書窺

秘閣給札傍

丹雘久飫三霄露常瞻五色雲

仁風真皞皞小草亦欣欣願進無疆頌葵心奉

聖君 其二

萬壽詩 七言律二首

監

生 臣于樹範

祥雲飄颻護層霄共際昇平賀

聖朝孟進紫霞春正永日呈仙掌露初調交梨火棗稱
三祝象管龍笙奏九韶禮樂喜逢全盛會陳詩

都採入風謠 其一

車書一統邁唐虞
不數周家王會圖
烏弋黃支知日近
雕題鑿齒識嵩呼

聖人多壽恩方溥

天子能文道自腴
此際梯航來萬國
無邊春色滿

皇都 其二

萬壽詩 七言律二首

監

生 臣于枋

聲教光華亘八埏
瞳瞳旭日正長懸
乾坤有地皆霑澤
雨露何人不戴天
桃實千秋來漢殿
鳳儀九仞和虞絃
箕疇華祝尋常事

聖壽還過萬億年

其一

臣家三世沐

恩光何幸躬逢舜日長

聖代作人多棧樸書生報

國愧文章纔離綠野朝

金闕也許青衫拜

玉皇千載休明當景運春風多士競稱觴

其二

萬壽詩

五言排律六韻

監

生臣陳之鶴

介壽奉華筵奎光紫宿聯薰風華野瑟膏雨杏花
韉甲乙千秋鏡科名萬選錢堯階同就日周
雅祝如川玉簡登封遠金繩絡繹綿

皇情多愛育萬福仰光天

萬壽詩

五言排律八韻

監

生臣高車

帝德逾三古仁風扇九州升恒綿日月甲子富春秋南
極光彌燦長庚彩欲浮天漿斟沆瀣王會集共
球

化入氤氲徧

恩隨渙汗流士登千佛選才副四門求玉筍朝

金闕鵷行拜

鳳樓明良欣會合萬載奠金甌

萬壽詩

七言律一首

監

生

臣

虞

潢

真人御極永垂裳遐邇歡擎介壽觴千里曝芹趨野老
九衢琛雉舞蠻王卿雲

北闕群瞻瑞麗日中天倍覺長信史漫誇開闢事於
今親見古三皇

皇棚恭紀

監

生臣周朱耒等

欽惟

皇上至德廣運鴻化翔洽中外禔福遐通蒙休

臨御五十二年恭逢

萬壽六旬大慶臣民抃舞率土同歡

俯俞羣臣之請於三月十八日

萬壽正誕之辰

受賀

頒詔大沛恩綸前一日進宮

命虎賁毋警蹕俾臣民咸得瞻拜道旁

皇上御涼步輦奉

皇太后自

暢春園進京

諸王侍輦隨行曲盡尊崇大禮仰見

皇上孝治天下從古未有維時春景融和惠風初扇祥

雲四繞瑞日中霄當鳴鳩乳燕之時正柳媚花

明之候自

暢春園前至景山西門三十里珠燈錯落繡綵繽紛
高閣霄連崇臺雲蔚祝

天皇之壽考夾道稱觴歌化日之舒徐所居成市連綿
不斷裝來錦繡河山熙皞成風譜出太平景象
十五省土風物產駢羅一舍之中千百國白叟
黃童笑語

九天之上百靈呵護億衆皈依萬里而南萬里而北奉

尊親者直如畿甸之間八千爲春八千爲秋祝

純嘏者且軼羲軒之右先是歲首以來四表臣民八紘

耆庶或陳

龍帳或貢

天衣或進

萬壽之圖詠

天不老或舉

萬年之會祝

帝長生或扶杖以歌衢或襁負而觀化或請輸金於
天府商賈同心或將輿賁於

皇家士民齊願南金東箭貢自荆揚木難火齊來從閩
粵梁珠照乘楚璧輝山東吳翡翠之帷西蜀葡
萄之錦我

皇上止收菽粟不尚珍奇伏稔

皇上務本以重農歸珠而返玉歡聲徹數千里拜舞日
億萬人洵盛事之難名詎史冊之勝紀三月初

二日

御駕回宮見祈福祝

聖者綵旃錦幄載路填闐

特頒上諭以爲若或先知必令止之今已成矣難毀衆

志令傳之各處必求雨暘時若萬邦咸寧爲先

明訓煌煌聞而生感恭儉者

聖人之德慈愛者父母之恩

俯鑒輿情曲從衆志更求家給而人足惟冀時和而年

豐既以天地之心爲心即以蒼生之福爲福九
州六合盡屬

甄陶海濫山陬咸歸

怙冒是以

聖王之勤恤語益加溫而寰宇之尊崇情何能已炷香
盈陌設綵連衢士女紛紜連襪而瞻

豹尾旄倪雜沓企踵而仰

鑾輿閭閻輸芹曝之忱憶兆識山龍之采覩此後情

之踴躍彌徵

聖德之淵深我

皇上益沛恩膏

特頒大酺

命天府備克食數千席陳於

御道左右

諭令分給士庶魚鱗幄竝雁翅筵排豐饌嘉肴文茵翠
幣香發蘋婆之果甘分大谷之梨牢丸既弱似

飛綿薄夜亦柔如積素截來鵝肪巧製如環劈
破羊脂探懷積雪南產之金齋玉膾未足多誇
仙家之琅菜碧芝寧堪比數農商工賈父老兒
童皆得飽

御府之奇饅嘗

上方之珍果厥角稽首歌舞歡欣共願我

皇歷年萬萬永享昇平壽域時康春臺日永敢敘

聖朝之盛事垂爲百代之鴻模自

暢春園宮門前起首爲

諸王經壇翠接朱甍發雲霞於牕裏光連綵闕映日
月於寰中玉葉金枝拜颺

萬壽天工人巧璀璨九霄次爲

乾清宮總管首領太監等棚綵結門坊燈圍珠繡璫
貂舞蹈誦皇極以傳經宮寺趨蹌捧壺漿而上
食次爲直隸九府臣民人等棚華屏曲閣蔥圃
蘭塘蔭路柔枝濃陰如蓋綠籬嘉卉吐秀如雲

複廊則縹緲以連綿高閣則參差而突兀繪來
耕稼儼田疇阡陌之錯陳譜出桑麻宛經緯機
杼之畢具牆上舞花而不落錦幄爭妍樓頭激
瀑以交飛銀河下瀉春回閨苑桃千樹以舒紅
日暖蓬萊柳萬行而布綠華燈四照光徧鰲山
曲水紆流波溶魚藻林邱照耀雲日輝煌次為
內茶飯房官員人等棚天盃承露米來雨甲煙
芽御盞流香煮就瓊蔬玉粒仙人六膳爭調金

鼎以開筵玉女三漿咸捧帝壺而祝

聖次爲算法滿漢効力人員等棚詣精三角該天地而
總陰陽術溯九章測鬼神而知造化惟

聖主旁求於歷數斯多士爭效夫馳驅次爲原任色衣

昂邦臣馬武同弟臣李榮保次爲鄧光乾張鼎

昇等各展丹忱亦選勝地修闡蔭於堦砌崇棟

拂乎旻蒼珍玩雜陳鼎彝間列次爲蘇州府屬

臣民人等棚竹籬茆舍異卉奇花茶肆酒壚墨

林書圃儼入吳趨之市登虎邱之山貿易有無
百貨具集魚子深紅之纈今獨擅長蜻蜒縹碧
之綾古曾入貢研花箋紙製出長洲裝錦燈毬
詩歌茂苑笠澤彈窩之石甲乙爭誇馬鞍奇巧
之峯蒲蕉錯置婁江績苧裁剪舞衫雪井餅香
氤氲奩鏡關開許墅共織草以薦牀鄉過膠城
盡鏤金而作畫凡此土風之好尚悉爲物產之
權奇來

京國以觀光充市廛而祝嘏更有花榭風亭徧陳
棐几水邊林下盡設華茵是處笙歌無邊花柳
御駕遙臨而止輦香雲載道以飄煙

溫諭頻加

天顏甚霽尤極一時之異數焉次爲八旗暨直省候選
候補官員人等棚屏張

萬壽之圖字成蝌蚪詩獻九如之誦筆繞煙雲韻奏薰
風合宇宙太和元氣聲高華祝徧乾坤壽域春

臺次爲松江府屬在籍臣民棚飛閣連雲華燈
匝地更陳

儀仗之嚴恭迓

翠華之至落花芝蓋楊柳春旗金鸞驚而將飛玉螭
龍而若動次爲江寧安慶等十三府臣民棚里
溢絃歌塗交酒醴芝房三秀獻來瓊島瑤山桃
實千年陳列玉牕珠戶更有三階八戶百拱千
楹無不文以朱綠飾以碧丹清風萃而成響朝

日耀而增鮮次爲浙江省臣民棚九枝之燈五
花之采香蟠壽字酒進長生如登樵李之樓千
層煙雨似放西湖之棹萬狀雲霞若耶百斛醇
醪甬東千舟海錯仙羊躑躅疑遊澌水之間藥
草翩翩恍入天台之市蔗山橘岫富春本屬名
區鶴嶺芝田麗水由來神境亭開孤嶼山號爛
柯簇兩浙於畫圖萃百城之秀麗何啻山陰道
上應接不暇也而我

欽定四庫全書

萬壽盛典初集
卷一百十

三十四

皇上恩膏稠疊

中使頻仍緬核芳鮮盛來玉椀紫粳津潤擎出品盤
莫不嘗珍味而齒芬飫琳腴而果腹次爲蘇州

織造

臣

李煦江寧織造

臣

曹顥杭州織造

臣

孫

文成率領鹽商人等共建經棚燈綵畢具繡栢
鏤檻延曜光輝虬柱虹梁杳冥雲霧得聆

天語之肫肫仰見

聖容之穆穆豈獨一時之盛遇實乃千載之奇逢次爲

福建山東江西河南廣東廣西六省臣民棚彩
椽六角繡幕三圍碧疏窈窕以玲瓏畫檻盤迴
而輝麗門垂碧柳戶映緋桃一寸二寸之魚三
竿兩竿之竹園林曲折店肆參差錦帳飄揚花
幡焜燿如入武彛之曲幔亭之笙管凌雲如登
闕里之堂聖域之金絲殷地羣識廬山之面咸
聞嵩室之呼海不揚波珠江洵稱樂土山無伏
莽桂嶺悉屬熙臺扶攜者不遠千里叩祝者奚

欽定四庫全書

萬壽盛典初集
卷一百十

三十五

啻萬人

皇上歡進一觴臣民齊呼

萬歲次爲山西陝西湖廣四川貴州雲南六省臣民棚
紅燈肆設翠幄重遮舞蝶遊絲帶清飈而散影
分花交柳映碧浪而成文采華岳之蓮祥開十
大酌晉池之水壽永千秋楚蜀之錦綺連雲黔
滇之珍賁耀日長橋掩映俯臨九達之衢複道
紆迴曲繞千尋之樹採茶競唱擊壤同聲跪捧

霞盃咸識

天顏有喜拜依

玉輅欣聞

帝語如春式擴

殊恩用慰輿願次爲長蘆商人等棚演曼衍角觝之戲

極銀花火樹之觀環以藥欄間以籬落紅花翠

篠掩映崇臺網戶珠簾低垂繡幕亦極一時之

勝概也次爲五旗諸王貝子貝勒等以下覺羅

以上棚圖雲縵幕映日彩旌貴胄天潢祝三多
而拜舞珠庭日角陳五福而趨蹌樂奏鈞天歌
聞解慍車書王會式揚雅頌之音風景華胥用
進岡陵之祝次爲巡捕三營棚夾路琪花珠旗
動色繞營細柳玉勒搖風十萬鐵衣奉

宸歡於三月五千犀甲獻

壽酒於萬年次爲西直門外各行市民棚衢歌巷舞
紹唐虞三代之風壁合珠聯煥日月五星之彩

徧地皆韶護咸英之曲是處悉順成和動之音
帝力相忘天休滋至此自

暢春園至西直門外燈花夾路錦繡千霄火棗交梨
頒來天上雲璈法曲聽徹人間而我

皇上德容藹藹

聖諭溫溫鳩杖拜恩擁含哺之父老雲郊濡澤滋被
之桑麻依咫尺之

霽顏咸知向化効媚茲於

天子皆許言情斯誠時雍風動之休要非三代以下所
敢竝也

駕由西直門進西華門內一路懸燈設彩魚貫珠聯祝
聖瞻

天駢肩接跡於是文以班聯武以爵序鳧趨鷺立咸舞
蹈而歡忭虎旅龍韜盡濟蹕而肅穆王侯戚畹
之家期門羽林之屬下逮商賈士民以及買賣
諸色人等無不各選佛場廣陳仙樂時則吏部

戶部倉場尚書侍郎以下筆帖式以上等爲一處西四旗前鋒統領護軍統領以下護軍以上爲一處

寧壽宮太監并茶飯房爲一處

寧壽宮老福金爲一處內務府正黃旗包衣參領以下護軍以上爲一處大理寺太常寺卿以下筆帖式以上爲一處正黃旗滿漢蒙古都統以下官兵以上爲一處禮部刑部國子監光祿寺鴻

臚寺尚書祭酒卿以下筆帖式官學生以上爲
一處兵部工部尚書以下筆帖式以上爲一處
都察院通政寺太僕寺六科順天府大興縣宛
平縣五城兵馬司等爲一處東四旗滿洲蒙古
漢軍都統以下官兵以上爲一處東四旗前鋒
統領護軍統領以下護軍以上爲一處九門提
督以下步兵以上爲一處內閣翰林院詹事府
中書科等爲一處鑲紅旗滿洲蒙古漢軍都統

以下官兵以上爲一處鑲藍旗滿洲蒙古漢軍
都統以下官兵以上爲一處四牌樓北衆鋪戶
小民爲一處正紅旗滿洲蒙古漢軍都統以下
官兵以上爲一處直隸各省督撫提鎮率所屬
來京官等爲一處

莊親王爲一處西華門外衆鋪戶小民爲一處

宗室爲一處上三旗三十家包衣大以下蘇拉以上
爲一處包衣三旗廣儲司買賣撥什庫及買賣

人等爲一處內務府官學滿漢教習及學生等
爲一處關內固北口大糧庄頭爲一處二月分
掣籤未引見官員爲一處上三旗包衣牛彖章
京以下匠役以上爲一處鑲黃旗正白旗包衣
護軍叅領以下護軍以上爲一處

御前太監等爲一處此自西直門內至景山西門瀰漫
香雲普現吉祥之彩莊嚴寶地咸生歡喜之心
盛典躬逢較傳聞而倍切

隆恩目覩實歡忭而難禁至於京城內外叢街委巷亦無不焚香頂祝結綵懸燈里不能名地難悉數雖復鋪張揚厲亦難擬諸形容即或摹繪雕鏤無由得其髣髴倚歟休哉

皇上如天之仁煦嫗含覆至於如此是以臣民踴躍歡忭莫可名言夫甘露霖雨有時而竭陽春惠風有時而止惟太和之元氣鼓鑰於層霄熏蒸於庶彙流行於終古亭育於兩間感之即通觸之

即應昆蚊由此蠕動草木由此萌芽幽蟄由此發舒枯槁由此滋潤易曰天地之大德曰生惟天大生惟地廣生惟聖人好生所謂贊化育而參天地也

皇上心天地之心事天地之事包涵徧覆德澤溥熙熙皞皞沐浴

聖慈淪浹肌膚群情暢遂譬則聚邱山以爲粟哺人而無不飽也竭淮澠以爲醪酌人而無不醉也而

聖主猶綢繆吏治繾綣民依闢道德之門開仁讓之戶
使薄海同於饒衍斯上下共其恬熙斯真三五
以來未有臻此盛治者矣凡茲慶祝之隆規儒
臣恭請繪爲

萬壽圖垂之永久

上既可其奏而我

皇上敬老愛民撫育元元之盛心足爲億萬斯年典則

者臣等披圖之下復謹撰紀盛一篇自分管蠡

淺識何能宣揚於萬一聊志大槩俾後之覽者
有所考焉自今年以至萬萬年每遇十年

正誕之辰編爲一集皇哉唐哉與二典三謨同垂天壤
此泰交之盛致治之本也敢謹記之如右

萬壽盛典初集卷一百十

欽定四庫全書

萬壽盛典初集卷一百十一

歌頌五十一

生監諸臣二

萬壽詩

七言律八首

監

生臣查克宏

海寓欣瞻日正中
乘時乾德配蒼穹
八方長養
春風暖萬景
昭蘇

聖澤洪繞闕祥煙
丹鳳翥盈階
淑氣紫芝豐
周天花甲

從今數南極星躔帶華嵩 其一

五采龍文

御幄披薰風來拂萬年枝香凝寶露開銀甕色艷瓊漿

泛玉卮

天帝佑靈仙祚遠

地祇效順海疆綏上蟠下際春常在旭日曛曠百卉宜 其

二

巍巍勲業與天齊昭格知從

聖敬躋堯酒滿斟宜介福舜琴頻拂洽羣黎南山松栢
榮垂蔭北極星辰朗聚奎歌詠太平千載盛喜

瞻嶽瀆鎮元圭 其三

翠華南幸沐

殊恩豹尾叢中識

至尊樓下瞻

天顏獨霽江頭獻頌

語猶溫一身踴躍留京國十載慇懃勤戀

闕門葵藿尚知傾向日

微臣

自矢寸心存

其四

受天之祐萬斯年咸賀

興朝玉厯綿麟趾呈祥公族茂兔罝被化庶材全爐

飄瑞靄雲山曙壺捧仙籌霄漢懸願祝無疆歌

雅什如岡如阜復如川

其五

到處惟聞鼓吹歌襦衣粒食

湛恩多搜羅八愷宏開網震疊三苗靜偃戈暇日省方

辭寶賂應時觀稼問嘉禾即今海晏河流潤猶

警言雞籌聽玉珂

其六

水鏡虛涵澈底澄容光普照協休徵靈著百尺

青雲護異雀千羣

紫禁騰甲子永隨坤軸轉精神長共海山增衆星環

拱

宸居壯萬里金湯瑞氣凝

其七

青陽煦暎盡敷榮閭闔齊來舞蹈聲鶴繞蟠桃
銜海樹露漣仙掌握金莖花飛星佩千官集樂

奏雲璈百伎呈競祝

聖朝無量福

皇圖一統萬年清

其八

天長地久圖賦

有序

監

生

臣黃千人

欽惟我

皇上神功聖德久道化成恭逢

萬壽昌期普天同慶

臣

浙水愚蒙觀光上國伏念

臣祖

宗義
兩荷徵

綸復

命抄錄著述宣付史館世沐

天恩末由報効臣幼承家學略涉九章欣逢

皇上欽明厯象闡發周髀廣招海內願學算法之士以

宏教育自顧管窺有志蠡測常殷恭摹天長地

久圖約之扇面以誌乾坤掌握之機用昭覆載

一統之盛爰踴躍歡忭而係以賦曰

粵鴻蒙之既闢分太極於兩儀覆穆清而健運
載寧靜而順隨媧石補而五色亥步周而四維
冒圓穹之渾蓋布方輿之分支或圭影而下測
或衡數而上窺命羲和以規度合禹益以疇咨
雖銅儀之可象孰職方之不遺必合清寧於得
一乃協覆載於無私欽惟我

皇至德叅兩厯紀昌期

恩周俯仰景星爛而慶雲流器車碾而銀甕朗甘露墜

於上林醴泉湧於繡壤星輝南極應

聖壽之延綿日絢東華沐

恩波之泱泱人無一夫之不獲土無一物之不長然而
蚩蚩者衆日戴天而不知天之高芸芸何知日
履地而不辨地之廣於是草茅臣庶家學流長
心儀象緯目擬元黃山川指畫脉絡分張乃含
毫而睂舞展半面而神揚思穿月窟布畫土疆
蓋以上爲

天子壽而下以將愚賤之頌揚也其如天之長也中定
樞星旁環列宿圓如卵心細如穀縞曾不假乎
璿璣自包羅乎宇宙赤道與黃道交通太微與
紫微輻輳五帝六甲之有理有條三階四輔之
宜左宜右閤道河鼓之繽紛文昌武曲之騰湊
若網之在綱如機之錯繡初無一星之或遺仰
見天體之常覆其如地之久也高山爲界瀛海
周旋里道可計城郭瞭然

帝居中而御極拱要衛而勾連鴨綠爲發祥之地雞浪
浮方物之船棧道飛梯之必悉金門南澳以相
沿森如碁布劃若星懸翠攢雲嶺碧映珠淵於
此彰幅員之廣大益以知地道之流謙爾乃上
濟下行

皇風永暢蟠際極於無窮禎祥萃於難量日星川嶽之
垂博厚高明之象雖難擬諸形容或可得彷彿
而想像絜圖繪於九如附華封而獻

上

萬壽詩

七言律一首

監

生

臣陳

嵩

環海車書奉

一人萬年玉燭喜常新

帝功浩蕩風雲會
部屋汪洋雨露勻
盛世夔龍爭向日

光天麟鳳徧游春
承平共聽嵩呼切
處處霞觴

進

紫宸

九如賦有序

監

生臣王宸儁

欽惟

皇帝陛下

天行以健

日照方升

包元會運世之符太和永保

建正直蕩平之極彌性常貞

至聖無爲統資始資生之德

維皇有道開卜年卜世之祥立天立地立人紀干支而

歷久得位得名得壽同尊富以兼隆返淳風於

懷葛之間躋邳治於唐虞以上運璣衡而建極

常存作所無逸之心彙玉帛以來朝式臻久道

化成之候精明強固躬理萬幾喜起賡颺體聯

一德物阜民安之際不倦先勞宵衣旰食之餘

尤精探討借古人爲淵鑑自成一代瑤函集多
士以雲從母假千秋金錄

宸章海溢馳古驟今

御紙風馳掩前襲後旣緝熙而昭

文德更耆定而著

武功消反側於域中削三藩而清疆宇靖氛祲於海外
廓萬里而入版圖當夫小醜陸梁大軍撻伐

萬乘從天而降六師剋日而還侯甸要荒莫不來王來

享親賢樂利安於是訓是行猶且次第免租後
先賜復周制千八百國家家無懸磬之嗟虞書
一十二州歲歲有循環之

詔由東西以訖南朔鑿井耕田率子姓而奉高曾飲和
食德此開闢以來所未有實覆載以內之希逢
者也本仁心而仁政即壽國以壽民兕觥於以
介晉誌豳風之愛戴虎拜因而稽首樂化日以
舒長蓋午是天中

天子實誕生甲午而寅爲人正

聖人則頒歷壬寅

調玉燭者五十二年兩儀合撰

算椿齡於萬八千歲一甲初周聿彰

聖敬之躋共識

天顏之喜花迎劍佩定號恒春日暖旌旗長逢令節鶯
歌燕語鳥吐綬以鳴歡獸舞鳳儀鶴載觴而獻
醉履順而成豐豫泰交以應坤乾道契崆峒受

萬物之生於各足書呈河洛備二篇之策而尤多兼清任和而得

聖之時合動靜樂而爲

仁者壽日麗陽春之永雲開復旦之光臣宸儁咕嚕陋

姿蓬茅末品父叨薇省曾邀

詔祿之頒

臣父丹林乙丑拔貢中書科中書舍人

身廁雍宮久沐

作人之化隨士民而獻壽共此戴高履厚之忱冀鉛槧以矢勤同在就日瞻雲之列生成永賴頌禱難

忘雖負曝之私祇慙巴里而傾陽之願敢祝華
封維百福之攸同擬九如而獻賦不勝惶悚彌
切歡忻

帝德陽和

皇情陰隲盤筭假乎銘新室自揆之卜吉方中朗曜普
天同傾藿之誠始旦光華薄海指扶桑之出何
以祝之祝云如日八千之是春亦秋三五之有
盈無闕竝太陽而照清虛掩列宿而光發越九

霄懸鏡廣寒屬既望之宮一角垂鉤西厭認哉
生之窟何以祝之祝云如月猶未已也其象如
山下因之而仰止高不可以躋攀泰岱居五嶽
之長崑崙崙崙兩大之間羅列衆峰洵不讓夫土
壤翹瞻仙島已迴絕乎塵寰猶未已也其象如
阜旣盛而通且高以厚若天衢之坦坦曾何有
於峻嶒本王道之平平乃俯觀乎培塿於何名

曲

聖德斯符試以徵歌民財此有至於由山而及復得如
岡謂有倫而有脊等無期而無疆自常生夫琬
琰每待鳴於鳳凰

當宁三台中天屹柱振衣千仞

北闕垂裳由阜而及復得如陵下民不患其咨母煩
九載君子而欣旣見似錫百朋禽果能仙音徧
十方之界鴻曾占漸父同五位之乘詎因爲谷
而始著何得與邱而竝稱也乃者庶績咸熙有

功而利涉焉群工効職若濟而用作焉竝育於
天奚分大德小德朝宗於海寧論三百三千繼
岡陵而製頌又況之以如川含星漏日之奇溜
雨參天之格長青青兮四時儼亭亭兮千尺延
年而脂可頻餐貫歲而葉真不易維彼永貞式
如松柏方登嶽以呼三亦衍疇而數九放勲堯
而重華舜

治邁唐虞博厚地而高明天

德同悠久伏蓬華而戴

君王進臺萊而歌

父母思以將東海之籌行且如南山之壽

萬壽詩

五言排律八韻

監

生臣尤貞恒

麗日浮

丹殿和風拂

紫宸萬年

天子壽三月上林春仙杏花光發瓊芝草色新香煙凝
瑞氣雅吹奏韶鈞幸際唐虞世欣隨祝頌人

九重敷雨露四海觀

君親鶴舞依雲仗嵩呼動地垠長爲

太平主愛養萬方民

萬壽詩 五言排律八韻

監

生 臣徐時揚

浩蕩

仁恩大綿延歷數長

乘乾行不息

御世壽無疆

至德超軒昊

神功軼夏商山河鞏

帝祚雲漢煥

宸章禁柳青飛翠宮桃紅吐芳萬方欣祝

聖九有率來王日轉銅溝麗風飄合殿香臣民共瞻拜

恭進

萬年觴

萬壽詩

五言律二首

監

生

臣高輯

南極星辰燦東瀛喜氣凝山河同帶礪日月竝
升恒海屋籌無算奠階歷更增普天咸慶賀

萬歲福初昇

其一

萬國操觚士于于向闕來文明方獻瑞

宵旰正憐才五位推中極三星列上台誰言雨露遠咫尺

尺近蓬萊 其二

萬壽詩

五言排律一百韻
有序

監

生 臣邱起元

皇帝御宇五十二年功德隆盛久道化成東漸西被靡
有涯極維茲季春三月十有八日恭逢

皇壽六旬聖節薄海內外臣工士庶輳集京師罔不歡

欣抃舞仰祝

萬壽無疆

臣起元猥叨

恩遇珥筆修書喜觀

天顏躬與頌禱爰成五言長律詩一百韻載紀

鴻庥雖摹繪萬一尚不足比於螽測管窺或庶幾歌詠

太平妄托於古賡颺之義謹拜手稽首以獻詩

曰

太和時保合

天子壽無疆花甲欣初度春風樂未央升恒如日月福

祿擬陵岡玉帛朝千國車書統八荒衣冠聯煥
爛劍佩肅鏗鏘曼倩桃紛進安期棗敬將玉階
凝瑞露金闕下神漿作貢饒騏驥來儀集鳳凰
九天陳廣樂三殿裊奇香厯紀何能數壽添莫
可量西池來紫氣南極耀星芒竊上千秋錄同
稱

萬歲觴地天高厚久河海晏清長頌禱情怡悅鋪揚筆
悚惶流虹徵泰運繞電啓嘉祥早識

欽定四庫全書

卷一百十一

龍犀表還欽金玉相

英齡登寶祚恭己秉乾綱問凜

重闡切心懷百姓詳當年圖治語今日保民方孝足超前

古誠能格

上蒼

慈寧常燕喜花萼舊輝煌洵是隆尊養遙知永熾昌淳龐
開富庶乾惕理陰陽吁咈侔堯舜疇咨邁漢唐
五風和十雨親睦繼平章泰稷馨

郊廟詩書教序庠傳心承道統拜手際明良淵穆符規矩
威儀振紀綱好生刑已措克儉用彌臧旌善崇
蘭芷懲貪去莠稂清忠標宋璟殘酷戒張湯麟
閣圖熊虎烏臺樹桂薑施仁解網獸弭害摘飛
蝗監夏卑宮室從周重稻粱上尊辭旨酒珍味
省炮牂燕錦憎新樣焚裘叱侈妝八埏齊作息
三蘖漫猖狂

睿算除藩鎮

神謨出廟廊整師昭捷伐遣將銳鋒鋌倏爾精兵震頽
然鐵甲藏幾時煩韎韐不覺掃欃槍南粵還符
印西川靖戰場韋弓平八桂傳箭定三湘龍里
銷烽燧螺江盪野航旗降金馬外壁納碧鷄旁
執馘猶餘力歸心在搃吭臺灣還附籍土宇盡
輸糧共服

威靈遠羣安

德教彰如何傳狡兔亦復效貪狼邊塞私侵掠梟雄失

主張

帝心憐蟣蝨賊意逞螳螂師出非誇武

親征慰衆望陰山窮鹿竄瀚海伏鱗僵但正渠魁罪仍

矜醜類創七旬同凱奏三載笑戎裝指顧收諸

部驅馳定一匡

武功殊赫赫

文教更洋洋重道

巡東魯賡詩續柏梁勵臣書訓誥程士有文章學尚朱

徽國才儲張子房
百家函韻府萬彙譜羣芳玉
軸宵盈案牙籤月一箱
乾乾惟不足矻矻肯相
忘聘盡耕莘尹徵空釣渭
姜乾坤安且治

宵旰視如傷
屢下蠲租

詔頻憐負土囊

詔詢咸麥菽

籌度只淮黃

惠溥聞雷國

思先積水鄉

六飛臨御壩五度閱隄防張福新通達歸仁善保鄣審
形從仲閘就勢淪楊莊底定由圖畫平成錫玉
璋觀風歡士庶問俗歷蘇杭減額鹽餘竈寬征
貨積商引年矜杖履肆赦恤桁楊擊壤村村稻
縑車處處桑關門羅竹箭側席廣宮牆子美鳴
和盛齊賢備贊襄那圖司馬賦總達

袞龍牀入爵皆鸚鵡升閑盡驕驕東南偏

帝澤太乙拱文光

幾暇親三管書成動十行
龍跳竝虎卧鳳翥復鸞翔
落紙煙雲繞臨池風雨忙
鋒回凌魏晉戈轉逼鍾王
瀟灑兼思白風流壓子昂
臨摹神彷彿題署勢淋浪

賜徧湖山寺榮傳翰墨堂多能

天縱聖久道

壽從康賜復農熙皞加科士濟蹒三多供

御宇十有見

垂裳不允誇崧嶽翻教祝雨暘撫謙頌

諭旨抑畏却琳琅蕩蕩期宗海兢兢謂履霜作人歌棧

樸宜福誦鴛鴦自幸生蓬華深慙侍縹緗追隨

香案吏濫冒校書郎碧玉盃初獻金莖露欲嘗

矢忠應砥礪感

德自騰驤萬八千餘歲維

皇接九皇

萬壽詩 五言排律十二韻

監

生臣顧祖望

端拱乾坤合謳謠品類通八埏齊獻

壽萬福實攸同

帝念從民欲天庥集

聖躬勲華稱美備

德業等崇隆敷教敦三事勤民叙九功五方雖異俗四

海會朝宗教育寧遺類昇平幸樂逢花明御溝

水香暖禁城風行健原無息流膏本自洪

微臣

疎翰墨引領向

丹楓樂聽簫韶發盃傾琥珀紅願言隨百獸拜舞共

呼嵩

萬壽詩

七言律四首

監

生臣沈曾佑

寶厯欽承邁帝王

太平天子正垂裳巍巍

聖德高難量皞皞民風樂未央霞起赤城

丹陛煥風來太液碧蓮香

盛朝事事皆奇瑞協應輿圖

帝運昌

其一

深宮幾務日孜孜乾健天行不息時水火工虞煩

睿慮雷霆雨露總

恩施和恒萬載臻仁壽禮樂千秋奉鼎彝自是

九重凝瑞靄春風已徧上林枝

其二

佳氣蔥龍溢

帝京天家燕喜百祥生
三多五福迓純嘏
玉振金聲集
大成紫掖碧梧儀彩鳳
丹墀綠柳轉流鶯
爐煙萬縷飄香篆
結就晴雲擁上清
其三

嵩嶺聲聲

萬歲稱普天
歌頌祝升恒
綢繆紫氣

龍樓曉靄
靄紅雲

鳳閣凝河洛
圖書呈

聖瑞蟠桃火棗協嘉徵

皇王福壽眞無算天與長春日與增

其四

萬壽詩

五言律二首

監

生臣沈章

太平欣有象

天子慶無疆日麗銅龍彩雲飛玉佩祥鳳鸞頻度曲桃

李共舒芳春色蓬萊徧臣工進壽觴

其一

呼嵩聲動地舞抃感

皇仁花映瀛洲燦波流太液新萬方稱

萬壽三祝慶三春日月岡陵頌純禧集

紫宸 其二

萬壽詩 五言排律八韻

監

生 臣 顧乘智

帝治中天日文明煥百王金甌垂永固玉厯紀綿長

聖壽開南極

皇仁溥萬方敷天欣衽席多士慶冠裳王路驤騏驎巖

欽定四庫全書

萬壽盛典初集

卷一百一十一

二十二

廊裕棟梁堯年初甲子
幽俗早稱觴
純嘏如川

至

隆恩挹露灑歡迎
當此日衢壤詠陶唐

萬壽詩

七言律一首

監

生臣頂鉉

聖人首出洵天生
體健承乾道永貞

神瑞當年驚電繞
貞符此日際河清

堯天浩蕩形容泯

舜日雍和愛戴誠萬衆歡騰盈壽域躋堂朋酒盡稱觥

萬壽詩

七言律四首
有序

監

生

臣繆日芑

皇帝御極五十二年時和世泰物阜民安薄海內外罔

不感

恩戴

德歌詠昇平恭逢

萬壽聖誕天下臣民扶老攜幼梯山航海馳赴

闕下獻萬年之觴進九如之頌臣幸生

聖世同沐

皇仁更念

臣祖臣

父曾叨甲第忝侍從之班歷卿尹之

任受

聖朝之殊遇效百職以宣猷更蒙

天語褒嘉頒賜匾額

御書煥發傳為瑞寶

聖恩高厚累世靡窮

臣

葑菲下材蘚苔賤質捐糜有志

報稱無階隨萬姓之嵩呼近

帝光於北極同兆人之雀躍慶

聖壽於南山
技愧雕蟲歌成擊壤謹稽首頓首而獻詩

曰

皇極禎符集

聖躬紅雲旭日映瞳矐百千甲子年方始億萬春秋位

正中鳳翥麟翔遊禁苑花明柳颺被和風臣民

歌祝昇平久淑氣芳華四海同 其一

化成久道婉中天

玉殿垂衣繞瑞煙

萬壽無疆時際泰

一人有慶運承乾瓊枝發園凝甘露仙液流霞出醴泉

此日康衢齊抃舞好從熙皞樂堯年

其二

慶惠行施屢賜租雨暘時若兆豐腴
幽風日暖柔桑沃禹甸春深瑞麥敷
九市華樽盛琥珀千行寶炬插珊瑚
詩歌令德宜嘉樂願進仙人五

嶽圖 其三

衆星歷歷拱辰居
神武維揚播廣輿
貢矢貢琛歸島嶼
來王來享達舟車
八紘臣庶陳三祝
萬國衣冠頌九如
爛熳卿雲欣復旦
扶桑共仰日升初
其四

萬壽詩

七言律一首

監

生

臣

朱丕麟

旭日初升碧海東
蓬萊春滿藥珠宮
萬方爭獻

華封祝八表欣看壽域同玉軸早符軒后厯璿
圖咸樂帝堯風

太平天子當陽日拜手嵩呼達

聖聰

恭祝

萬壽無疆頌

有序

監

生臣張鍾

臣聞華封之祝有三斂祉必歸大德洪範之福

曰五迓休端在聖人蓋剛柔悉協益符兩大之
貞恒而健順咸宜自卜萬年之秩祐瞻泰階之
旣啟慶久道之化成欽惟

皇帝陛下

德本性成

質由天縱

出東方而秉震應五百歲之昌期

居南面以乘乾開億萬年之寶曆

崇效天卑法地高深合撰既氣協乎清寧

仁以育義以正德化覃敷更聲振乎南朔蓋展矣建
其有極而粹乎允執厥中者也乃猶

宵旰不遑勵精靡懈體乾乾於宥密存翼翼於淵微由
是治定功成恩深澤溥宜乎登咸三五超軼古
今茲當

御極五十二年恭遇

萬壽六旬令節

聖甲初周普天同慶執玉瑞者赤帝金舄咸懷獻壽之
忱越山海者白叟黃童共有躋堂之願獻祝則
嵩呼動地揚休則虎拜盈廷誠亘古所希聞生
民之未有也臣欣依

日下慶比寰中雖

峻德宏猷有慙螽測而稱觥獻壽彌切葵傾爰拜手稽
首而獻頌焉頌曰

穆穆我

皇文明濬哲克憲於天維敬作極四隩旣奠九圍用式
聿求厥寧乃罔或逸稽古式訓

聖而多能摘詞揆藻錦爛雲蒸孝思不匱承歡

慈幃應侯順德萬民化之田禽利執撻伐用彰白旄黃鉞
綏靖多方衅甲升雍聿昭文治益額增科譽髦
斯士復租寬賦勤恤民依

恩流部屋喜溢黔黷刑以弼教罪疑惟輕園扉草秀肺
石風清旣治且寧虛懷若谷所其無逸求民之

莫五十二載久道涵濡惟

皇立極治婉唐虞日在婁星姑洗中律壽域宏開

聖誕屆節近而

宮府遠而郊圻外薄四海漆齒雕題摺笏秉圭扶鳩

騎竹載道歡呼同聲致祝

萬壽無疆

萬壽無期惟我

聖皇作君作師百祿是適百祿是總於萬斯年惟

皇垂拱海籌添屋長庚耀樞

小臣

獻頌敬繼歌衢

萬壽盛典初集卷一百十一